

ԹԲԻԼԻՍԻԻ ՀԱՅ ՀԱՄԱՅՆՔԻ ՆԵՐԿԱՅ ԻՐԱՎԻՃԱԿԸ

ԼՈՒՍԻՆԷ ՏԱՆԱՋԵԱՆ lusine.tanajyan@gmail.com
ՍՕՆԱ ՆԵՐՍԻՍԵԱՆ sona.nersisyan2006@gmail.com

ՄՈՒՏՔ

Թբիլիսիի հայ համայնքը, իբրեւ սփիւռքեան միատոր, առանձնանում է իր ձեւատրման պատմութեամբ եւ կառուցուածքով: Ժամանակի ընթացքում այն ենթարկուել է արմատական փոփոխութիւնների. ԽՍՀՄ փլուզումը առաջ է բերել նոր մարտահրաւերներ թբիլիսահայութեան շրջանում: Այսօր տեղի են ունենում համայնքային կեանքի կազմակերպման նոր գործընթացներ, որոնք իրենց ազդեցութիւնն են թողնում Թբիլիսիի հայերի համայնքային կեանքի տարրեր երեսակների վրայ:

Նմանօրինակ առանձնայատուկ համայնքը կարիք ունի համակողմանի ուսումնասիրութեան: Այդ նպատակով իրականացուել է էթնօընկերաբանական հետազոտութիւն՝ Թբիլիսիի հայերի շրջանում: Յօդուածում (որը վերլուծութիւնն է այդ հետազոտութեան արդիւնքների) փորձ է արւում ներկայացնել՝ Թբիլիսիի հայերի ընտանեկան կառուցուածքի եւ յարաբերութիւնների առանձնայատկութիւնները, ինքնութեան որոշ տարրերի դրսեւորումները, համայնքում առկայ արտագաղթի միտումները եւ դրա հետ կապուած գործօնները, համայնքի ներկայացուցիչների, գործիչների ընկերաբանական-տնտեսական աշխուժութիւնը:

Հետազոտութիւնն իրականացուել է հետեւեալ մեթոդներով՝-

- Ձեւայնացուած հարցում, որն անցկացուել է Թբիլիսիում բնակչուղ հայերի շրջանում՝ ըստ առանձնացուած խմբերի (սեռ, տարիք, կրթութիւն, բնակութեան տնտղութիւն տուեալ քաղաքում են.), ձեւազնդակի մեթոդով.
- Չներգրաւուած (non participant) դիտարկում.
- Փորձագիտական հարցում՝ համայնքից քաջատեղեակ փորձագէտների հետ.
- Խորին հարցազրոյց, որտեղ ընդգրկուել են Թբիլիսիում համայնքային կազմակերպութիւնների ներկայացուցիչներ՝ ըստ իրենց հմտութիւնների եւ տեղեկացուածութեան:

Ստացուած նիւթը ներկայացում է նկարագրական-վերլուծութեան մեթոդով:

ՎՐԱՅԱՀԱՅ ՀԱՄԱՅՆՔԻ ՀԱՄԱՌՈՏ ՆԿԱՐԱԳԻՐ

Նախ անդրադառնանք Վրաստանում հայերի ներկայութեանն ու դրա թուփ փոփոխութեանը:

Վրաստանում բնակչուղ հայերի թիւը մշտապէս փոփոխուել է, ինչը կապուած է եղել տարրեր պատմական իրադարձութիւնների, քաղաքա-

կան եւ տնտեսական պայմանների հետ: Վրաստանում անցկացուած վերջին՝ 2002ի մարդահամարի տուեալներով, երկրի հայկական բնակչութեան թիւը է 248,900 է (առանց Աբխազիայում բնակուող հայերի, որտեղ 2003ի մարդահամարի համաձայն ապրում են 44,900 հայեր):

Աղիւսակ 1. Վրաստանի հայերի թիւը եւ նրանց տեսակարար կշիռը (Վրաստանի պաշտօնական վիճակագրական ծառայութեան տուեալներ)

	Քանակ (1000 հոգի)			% ամբողջ բնակչութիւնից		
Տարի	1989	2002	2014	1989	2002	2014
Հայերի քանակը	437,2	248,9	168,1	8.1	5.7	4.5

Թբիլիսիի հայերի ծաւալած բազմազան գործունէութիւնը հայկական մշակոյթի առանձին եւ տարբերուող շերտ է: Թբիլիսիւն 19րդ դարի արեւելահայ լուսատրչական շարժման խոշորագոյն կենտրոններից է եղել: «19րդ դարում Թիֆլիսում գործում էր գործարար մարդկանց կազմակերպութիւն, գործում էր բարերարների միութիւն: Կային փարբեր կազմակերպութիւններ, որոնք աշխատում էին ի նպաստ փերի հայութեան»²:

Ըստ փորձագիտական գնահատականների եւ տարբեր աղբիւրների՝ ներկայումս Թբիլիսիում բնակում է շուրջ 150,000 հայ (ըստ պաշտօնական տուեալների՝ 82,000): Գործում են Ս. Գէորգ առաջնորդանիստ եւ Էջմիածնեցոց Ս. Գէորգ եկեղեցիները, Պետրոս Աղամեանի Անուան Հայկական Դրամատիկական Թատրոնը, երկու հայկական դպրոց՝ պետութեան հոգաճութեամբ, գործում են նաեւ լրատուամիջոցներ, մի շարք մշակութային, հասարակական կազմակերպութիւններ եւ միութիւններ³:

Ինչպէս եւ անցեալում, այսօր էլ հայերի մի զգալի մաս՝ կենտրոնացած է Թբիլիսիում, որտեղ մի շարք թաղամասերում (Հաւաբար, Վագիսուբանի, Գլդանի, Վարկեթիլի են.) հայերը բնակում են հոծ զանգուածներով: Այնուամենայնիւ, հայերի թիւն ամբողջ Վրաստանում եւ մասնատրապէս՝ Թիֆլիսում անընդհատ նուազում է⁴:

Աղիւսակ 2. Թբիլիսիում հայերի տեսակարար կշիռը ընդհանուր բնակչութեան մէջ (1897-2002)


Տարի	1897	1939	1959	1970	1979	1989	2002
Հայերի թիւը (%) ամբողջ բնակչութիւնից)	30,0%	26,4%	21,5%	16,9%	14,5%	8.1%	5.7%

Այս փոփոխութիւններն ընդհանուր առմամբ ազդում են Թբիլիսիի հայ համայնքի պատկերի վրայ՝ առաջ բերելով նոր դրսեւորումներ համայնքային կեանքի տարբեր ոլորտներում: Դա իր հերթին անդրադառնում է Թբիլիսիի հայերի ընտանեկան եւ ընկերային յարաբերութիւնների վրայ:

ԸՆՏԱՆԵԿԱՆ ՊԱՏԿԵՐ


Համայնքային կեանքում ընտանիքը եւ ընտանեկան յարաբերութիւնները կարեւոր դերակատարում ունեն: Ընտանիքը համայնքում կատարում է արժէքների պահպանման, դրանց փոխանցման դեր եւ ազդում է համայնքային միջավայրում ընկերաբանական յարաբերութիւնների վրայ: Վերջինս պարզելու համար դիտարկենք ընտանեկան կազմը Թբիլիսիի հայ համայնքի ներկայացուցիչների շրջանում:

Գծանկար 1. Ընտանեկան կազմը (% հարցուածներից)



Ըստ տունաւների՝ հարցուածների շրջանում բարձր ցուցանիշ ունեն պարզ (ծնողներ եւ երեխա/ներ) ընտանիքները՝ 45%, միայնակ եւ միայն ամուսիններից բաղկացած ընտանիքները կազմել են 6%, իսկ ընդլայնուած (միջանի ամուսինական զոյգեր կամ միջանի սերունդներ) ընտանիքները, այդ թւում բարդ կազմ ունեցող ընտանիքները՝ 49%: Այս ցուցանիշը կարող է բացատրուել բնակարանի ձեռքբերման դժուարութեամբ, որն իր հերթին կարող է ազդեցութիւն ունենալ միաժամանակ ընտանիքում դերերի բաշխման եւ ամանդական միջավայր պահպանելու վրայ:


Գծանկար 2. Ազգականների տարածական ցրուածութիւնը (% հարցուածներից)



Դիտարկենք Թբիլիսիում բնակուող հայերի ընտանիքի անդամների եւ ազգականների տարածական ցրուածութիւնը: Մօտ հարազատների գերակշռող մասը բնակում է նոյն երկրում՝ 86.8%: Այլ ազգականների մեջ տեսնում ենք երկու ուղղութիւն՝ Հայաստան եւ այլ երկիր: Այլ երկրների

մէջ յատկապէս բարձր ցուցանիշ ունի Ռուսաստանը: Վերջինս կարող է պայմանատրել արտագաղթի ուղղութիւնը:

Գծանկար 3. Թրիվիսիում ապրող ազգականներին հանդիպելու յաճախակիութիւնը (% հարցուածներից)



Տուեալները ցոյց են տալիս, որ շաբաթը միքանի անգամ ազգականներին հանդիպողները անելի մեծ թիւ են կազմում: Ազգականների հետ շփման յաճախակիութիւնը կարող է պայմանատրուած լինել միքանի հանգամանքներով՝ տարածականօրէն մօտ գտնուելը, գործնական յարաբերութիւնների առկայութիւնը, ընդհանուր ընկերային միջավայրում գտնուելը: Սրա հետ կապուած հետաքրքիր է դիտարկել, թէ ինչպէս են դասակարգում մերձ շրջապատում ընդգրկուած անձինք: Ըստ տուեալների՝ ուսումնասիրուած խմբի համար մտերմութեան առաջին գօտում գտնուած են ընտանիքի անդամները, ապա հարազատները, ընկերները, դրացիները, գործընկերները եւ վերջում՝ համայնքի անդամները:

ՀԱՄԱՅՆՔԻ ՏՆՏԵՍԱԿԱՆ ՊԱՏԿԵՐԸ

Համայնքի ուսումնասիրութեան համար կարեւոր նշանակութիւն ունի դրա ներկայացուցիչների տնտեսական գործունէութեան դիտարկումը, յատկապէս դրա համեմատութիւնը միջսերնդային կտրուածքով: Վերջիններս կարող են արտայայտել տուեալ համայնքի տնտեսական ներուժն ու դրա զարգացման հնարատրութիւնները: Որպէս տնտեսական գործունէութեան ցուցանիշ դիտարկուել է սեփական գործ հիմնելու մտադրութիւնը եւ ձեռնարկատիրական գործունէութեան ծաւալման դէպքում գործընկերոջ ընտրութիւնը:

Ստացուած պատկերի համաձայն՝ սեփական գործ հիմնել չցանկացողները բաւականին բարձր ցուցանիշ ունեն, ինչը կարող է պայմանատրուած լինել ինչպէս ձեռնարկատիրական գործունէութիւն ծաւալելու համար անբարենպաստ պայմանների առկայութեամբ, այնպէս էլ անհրաժեշտ դրամագլխի բացակայութեամբ: Գործ հիմնել ցանկացողների մէջ առաւելագոյն ցուցանիշը կազմել են ընտանիքի անդամներին նախընտրութիւն տուողները: Սա օրինաչափ է այն պարագայում, երբ հարցուածների մե-

ծամասնության դեպքում մօտ հարազատները բնակում են նոյն քաղաքում եւ նրանց հետ հանդիպելու յաճախակիութիւնը բաւականին բարձր է:

Համայնքում տեղի ունեցող փոփոխութիւններն անմիջականօրէն կապուած են տնտեսական գործունէութեան ցուցանիշների փոփոխման հետ:

Հետաքրքիր է դիտարկել Թբիլիսի տեղափոխուածների (հարցուածների 27%ը) տնտեսական գործունէութիւնը: Ըստ ստացուած տուեալների՝ տեղափոխուելուց անմիջապէս յետոյ հարցուածների միայն 54,2%ն է սկսել աշխատել: Չաշխատողների մէջ ընդգրկուել են նաեւ թոշակառուները՝ 4,2%, տնային տնտեսուիները՝ 4,2% եւ սովորողները՝ 8,3%:

Ընդ որում աշխատողների 42,1%ը պետական հաստատութիւնների պաշտօնատարներ են եղել, 47,4%ը՝ ոչ-պետական, եւ 10,5%ը՝ սեփական հաստատութիւնների: Հարցուածների այն մասը, որը պաշտօնավարում է մասնատուր, ոչ-պետական բնագաւառում մեծմասամբ տեղափոխուել է Թբիլիսի ԽՍՀՄ փլուզումից յետոյ: Սա ցոյց է տալիս, որ չնայած տեղափոխութեան փաստի, դրա հետ կապուած առարկայական եւ յարակից դժուարութիւնների, տեղափոխուածներն ընդգրկուել են պետական կառոյցներ աշխատանքի: Սրա պատճառը կարող է հանդիսանալ այն, որ մինչ ԽՍՀՄ փլուզումը այս երկու երկրներն ունեցել են միանման վարչական կառուցուածք պետական կառոյցներում, ինչը հեշտացրել է տեղափոխուածների մուտքը այդ համակարգ:

Ըստ ոլորտային կտրուածքի՝ Թբիլիսիի հայ համայնքում տնտեսական գործունէութիւնը առաւելապէս դրսեւորում է կրթութեան, մշակոյթի, առեւտրի, սպասարկման, շինարարութեան ոլորտներում: Իսկ ամենաբնօրինակական, դրամական համակարգում: Փորձագէտները նշում են, որ հայերը հիմնականում վրացիների մօտ ընկալում են բարձր մակարդակի արհեստատրներ: Այս մրցակցութեան հիմքն այն է, թէ՛ «հայը անելի լաւ է պատրաստում»: Նաեւ զբաղուած են գիտատնտեսութեան, մանր առեւտրի մէջ եւ դպրոցներում⁵: Մէկ այլ փորձագէտ նշում է. «Հայութիւնը անելի շատ առեւտրի մէջ է: Այսպէս խոշոր գործարարներ շատ չունենք: Կան միջանի ապակու, տնաշինական եւ այլ գործարարներ, բայց դրանք քիչ հանդիպող երեւոյթներ են եւ համայնքային կեանքի մէջ ընդգծուած դերակատարում չունեն»⁶:

ԻՆՔՆՈՒԹԵԱՆ ԳՈՐԾՈՆՆԵՐ

Համայնքի ներկայ իրավիճակում կարեւոր տեղ են զբաղեցնում ինքնութեան վրայ ազդող եւ այն ձեւատրող գործօնները: Այդ առումով դիտարկենք համայնքային կառոյցների դերը: Հայկական համայնքներում ասանդաքար կրթական հաստատութիւններն ունեն ինքնութիւն պահելու, ինքնակազմակերպման եւ լեզուի պահպանման կայուն գործառոյթ: Թբիլիսիի հայկական համայնքի դեպքում կարեւորուել է դպրոցների դերը համայնքի մշակութային, հոգեւոր դիմագծի կերտման մէջ: Սակայն վերջին տարի-

ների համայնքի մարտահրավերներից առաել բարձրաձայնուողը հենց դպրոցների խնդիրն է համարում: «Կրթական համակարգի բարեփոխումների համապոքսպում Վրաստանի կառավարութիւնը հանրակրթութեան ոլորտում անցնում է, այսպէս կոչուած, վաուչերային համակարգի: Այս «բարեփոխումը» ենթադրում է, որ բոլոր այն դպրոցները, որտեղ աշակերտների թիւը 700-800ից պակաս է, մեխանիսթրէն պէտք է փակուեն, քանի որ պետութիւնն ի վիճակի չէ սուբսիդատրել՝ դրանք: Այնպէս որ այս բնագաառոում հիմնախնդիրներն արդէն համակարգային բնոյթ են կրում»⁸:

Ներկայումս Թբիլիսիում գործում են 1 լիարժէք հայկական դպրոց եւ 1 դպրոց՝ հայկական հոսքի հիման վրայ:

Հարցուածների ընդամէնը 5,7%ն է յաճախել մասնաւոր դպրոցներ, մնացեալ 94,3%ը՝ պետական դպրոցներ: Պետական դպրոցների մէջ դիտարկուել են ե՛ւ հայկական, ե՛ւ այլ ուղղութեան դպրոցները: Այստեղ անհրաժեշտ է նշել, որ Թբիլիսիի հայերի ստուար զանգուած նախընտրում է ռուսական դպրոցները հայկականից, որի հետեանքով միջանի ռուսական դպրոցների մեծամասնութիւնը, որոշ դէպքերում էլ առնուազն կէսը կազմում են հայեր: Համայնքում չկան այնպիսի հայկական մասնաւոր միջնակարգ դպրոցներ, որոնք կարող էին ապահովել հայկական միջավայր եւ կատարել ինքնութեան պահպանման գործառոյթ: Թբիլիսիում ԽՍՀՄ փլուզումից յետոյ հայկական դպրոցները շարունակում են գործել պետական հոգաձութեամբ եւ չկայ գիտակցում այն բանի, որ դպրոցը պէտք է գործի համայնքային ուժերի աջակցութեամբ, դրանով իսկ նպաստելով հայապահպան գործունէութեանը եւ հայկականութեան շեշտադրմանը:


Կարեւոր է դիտարկել նաեւ, թէ ինչ փոփոխութիւն է նկատում յաջորդ սերնդի ներկայացուցիչների դպրոցի նախընտրութեան հարցում: Տուեալների վերլուծութիւնը տուել է գրեթէ նոյն պատկերը, ինչ որ աաագ սերնդի ներկայացուցիչների մօտ. մեծամասնութիւնը (93,5%) նախընտրում է պետական, իսկ 6,5%ը՝ մասնաւոր դպրոց:

Ինքնութեան մէջ յաջորդ կարեւոր տարրը կրօնն է, որը կատարում է համայնքի համախմբման եւ կարգաւորման գործառոյթ:

Հարցուած թբիլիսահայերի շրջանում կրօնատաժ մարդիկ կազմում են ճշոող մեծամասնութիւն: Նրանց մէջ պարզապէս հաաատացեալները կէսից աւելին են: Շատ քչերն են նշել, որ անտարբեր են կրօնի նկատմամբ: «Հարցուածների շրջանում հաաատացեալների մեծամասնութիւնը հայ առաքելական եկեղեցու հետետող է: Կրօնատաժ թբիլիսահայերի եկեղեցու հետետող լինելու դրսետրումներից է եկեղեցի յաճախելը, ինչը ոչ միայն հաաատքի արտայայտումն է, այլեւ համայնքային կեանքում ներգրաուելու եւ՝ ընկերաքանական նշանակութիւն ունեցող վարք: Հարցուածների 39,5%ը աւէն շաբաթ եկեղեցի է յաճախում: Եկեղեցի չյաճախելը կամ տարուայ

մէջ միջանի անգամ յաճախելը անելի քիչ հանդիպող երեւոյթներ են: Հարցուածների 38,4%ը ամսուայ ընթացքում մէկից անելի անգամ յաճախում է եկեղեցի:

Գծանկար 4. Համայնքի ներկայացուցիչների վերաբերմունքը կրօնին (% հարցուածներից)



Եկեղեցի գնալու յաճախակիութիւնը պարզելուն զուգահեռ կարելու է պարզել նաեւ այցելութեան նպատակը: Եկեղեցի այցելութեան նպատակը կարող է ցոյց տալ, թէ ինչպէս է արտայայտուում հարցուածների կրօնական վարքը: Պարզ է դառնում, որ այդ մարդկանց մօտ կրօնական վարքը դրսեւորուում է միջանի մակարդակներում՝ անձնային, ընկերաքանական, խորհրդանշական եւ կրօնաձիսական: Սա ցոյց է տալիս, որ հայերի կրօնատաճ հատուածը բազմաշերտ է: Հարցուածների մեծամասնութիւնը (46,8%) եկեղեցի այցելում է աղօթելու նպատակով, ինչն արտայայտուում է կրօնաձիսական վարքը, մօտ վառելու նպատակն ունի առաւելապէս խորհրդանշական բնոյթ:

Եկեղեցուց զատ կարելու է պարզել այլ համայնքային կառոյցներում ներգրաւուածութիւնը: Դրանք կարող են ստեղծել հայկական միջավայր, որտեղ դրա ներկայացուցիչներն այս կամ այն կերպ առնչուում են «հայկականութեան» հետ: Ըստ դիտարկման տուեալների Թբիլիսիի հայ համայնքում նկատուում է համայնքային կեանքին, կառոյցներում ներգրաւուածութեան ցածր մակարդակ: Հարցուածների կէսից անելին նշել է, որ ներգրաւուած չէ համայնքային կեանքին, մօտ 10%ն է, որ զբաղուած է համայնքային կառոյցներում որպէս կազմակերպիչ, եւ մօտ 19%ը՝ որպէս անդամ: Մնացած 20%ը միայն հանդիսանում է այդ կառոյցների միջոցառումների մասնակից:

ԱՐԺԷՀԱՄԱԿԱՐԳ


Ինքնութեան առումով կարելու է տեղ են զբաղեցնում ազգի մասին կարծրատիպերը: Դրանք ձեւաւորուում են տուեալ ազգի ներկայացուցիչների կողմից, եւ միաժամանակ ազդում են նրանց արժեքային կողմնորոշումների վրայ: Ազգին բնորոշ կարծրատիպերը կարող են ձեւաւորուել եւ շրջապատող ազգի կողմից տրուած, եւ իրենց իսկ կողմից տրուած գնահատականներով: Հարցուածների կարծիքները՝ ազգին բնորոշ յատկա-

նիշների վերաբերեալ, բաժանուի են երկու մեծ խմբերի՝ բացասական եւ դրական գնահատականները:

Հարցուածների ճշշող մեծամասնութիւնը (85,4%) հայերին վերագրել են դրական գծեր: Տրուած պատասխաններում առաւելագոյն քանակի պատասխաններ տրուել են աշխատասէր, ձեռնեղէց եւ ստեղծող պատասխաններին: Բացասական գնահատականներում ամենայաճախը նշուել են նախանձ, դժգոհ, գանգատուող տարբերակները:

Հետաքրքիր է դիտարկել նաեւ հարցուածների արժէքային կողմնորոշումների դասակարգումը: Որպէս կարեւորագոյն արժէք հարցուածները նշում են լաւ ընտանիք ունենալու հանգամանքը (մօտ 35%), ապա քարեկեցիկ ու ապահով ապրելը (17,5%), ապա նաեւ մարդկանց յարգանքը վայելելը, հեռանկարային աշխատանք ունենալը, անհոգ ապրելը համապատասխանաբար՝ 14,6%, 13,6% եւ 10,2%:

Գծանկար 5. Համայնքի ներկայացուցիչների արժէքային կողմնորոշումների դասակարգումը (% հարցուածներից)




Քննարկենք համայնքի ներկայացուցիչների կարծիքները ամուսնութիւններին, քանի որ սա իւրային-օտար յարաբերութիւնների վրայ հիմնուած ինքնութեան տարր է:

Իւրայինի առանձնացումը տուեալ հասարակութեան մէջ համարկման, կամ ինքնութեան պահպանման, էթնիկ խմբին պատկանելութեան որոշման ցուցիչ է:

Ազգամիջեան ամուսնութիւնների հանդէպ Թբիլիսիի հայերի գրեթէ կէսը անհանդուրժող է: Այս մասը գտնում է, որ ներէթնիկ ամուսնութիւնները ազգապահպանման լուրջ գործօն են: Այլազգի ներկայացուցիչի հետ ամուսնութեան համաձայնութեան պարագայում նախընտրութիւնը տրուում է առաջինը վրացիներին (19,5%), ապա՝ ռուսներին (11,7%): Յաջորդ բարձր ցուցանիշը «քրիստոնեայ» տարբերակն է (7,8%): Յատկանշական է, որ շեշտադրուել է կրօնական պատկանելութիւնը՝ անկախ ազգութիւնից:

Գծանկար 6. Համայնքի ներկայացուցիչների վերաբերմունքը ամուսնությանն (հարցումներից)



Ինքնության ծնատրաման մեջ կարելի տեղ է զբաղեցնում ազգային, քաղաքական, մշակութային կամ այլ կերպարների ընկալումը: Դրանք համայնքի ներկայացուցիչների մօտ ծնատրաման են որոշակի արժեքներ եւ յատկանիշներ, որոնք կարող են կատարել կարգաւորիչ դեր՝ վարքային կողմնորոշումներում:

Հետազօտութեան ընթացքում համայնքի ներկայացուցիչների կողմից նշուած անցեալի ու ներկայի ականաւոր գործիչների միջոցով փորձ է արուել դուրս բերել այդ կերպարները: Դրանք խմբաւորուել են՝ ըստ ազգութեան եւ հիմնական գործունէութեան սկզբունքի:

Աղիւսակ 3. Ականաւոր գործիչները համայնքի ներկայացուցիչների պատկերացումներում (% հարցումներից)

Հայ գործիչներ	89
Մշակութային (կրթութիւն, գիտութիւն, մարզական եւն.)	68,1
Ազգային	9,9
Քաղաքական (պետական, հասարակական, կուսակցական)	11
Օտար	8.8
Ոչ մէկ	1,1
ԴՊՊ	1,1

Տուեալների համաձայն, Թբիլիսիի հայերի ընկալումներում աւելի մեծ թիւ են կազմում հայ գործիչները (89%), իսկ օտարները՝ ընդամենը 8,8%: Այստեղ ազգութեան սկզբունքի ընտրութիւնը կարելի տեղ է զուտ հայ գործիչների դուրսբերման նպատակով, այդ պատճառով այլազգի գործիչները ներկայացուել են մէկ ընդհանուր պատասխանի տարբերակով: Հայ գործիչները խմբաւորուել են ըստ հիմնական գործունէութեան ոլորտների, որտեղ մեծ մաս են կազմում մշակութային գործիչները՝ 63,7%: Սրա պատճառը կարող է լինել այն, որ Թբիլիսիի հայ համայնքը պատմականօրէն ունեցել է մշակութային բնոյթ, եւ ներկայումս էլ համայնքում գերակշռում

են մշակութային գործունեութիւն ծաւալող կառոյցները եւ մշակութային բնոյթի իրադարձութիւնները:


Յատկանշական է, որ այն գործիչները, որոնք իրականացնում են համայնքային գործունեութիւն կամ նոյնիսկ իրենց հիմնական զբաղմունքին զուգահեռ զբաղում են համայնքային հարցերով հարցառածների կողմից չեն նշուել որպէս համայնքային գործիչներ, այլ ընկալուել են որպէս իրենց հիմնական գործունեութեան ոլորտի ներկայացուցիչներ: Պատասխանների ցրիւ բաշխումովիւնը խօսում է այն մասին, որ համայնքում չկայ ընդհանրական վերաբերմունք որոշակի գործիչների շուրջ:

ԱՐՏԱԳԱՂԹ

Առհասարակ համայնքի ընդհանուր նկարագրի վրայ իր ազդեցութիւնն ունի արտագաղթը: Ներկայումս Թբիլիսիի հայ համայնքում նկատում են արտագաղթի որոշակի միտումներ: Դա կարող է դիտարկուել երկրի ընդհանուր արտագաղթի հոսքերի առումով, բայց եւ կարող է ունենալ իր առանձնայատկութիւնները:

Հարցառածների մէջ մեծամասնութիւնը մտադիր չէ տեղափոխուել այլ երկիր: Սա կապուած է թերեւս այն հանգամանքի հետ որ թբիլիսահայերը այդ երկիրը դիտարկում են իրենց համար հարազատ եւ իրենց պապերի երկիրը, որի կառուցման եւ շէնացման մէջ գործօն մասնակցութիւն են ունեցել: Արտագաղթի մտադրութիւն ունեցողների մէջ ասելի մեծ թիւ են կազմում դէպի Հայաստան հակառակները, իսկ այլ երկրների մէջ յատկապէս մեծ թիւ են կազմում Ռուսաստան ցանկացողները: Դա կապուած է վերջին տարիներին այնտեղ աշխատանքային գաղթականների մեծ հոսքով: Սա նաեւ պայամանաւորում է երեխաներին դէպի ռուսական կրթութեան կողմնորոշելը, քանի որ յետագայում իրենց երեխաների ապագան տեսնում են Ռուսաստանում:


Գծանկար 7. Համայնքի ներկայացուցիչների արտագաղթի մտադրութիւնը (% հարցառածներից)



Հետաքրքիր է տեսնել արտագաղթելու մտադրութիւն ունեցողների կարծիքը տեղափոխման պատճառների մասին: Պատճառները շատ են, սակայն հարցառածների մէջ մեծ թիւ են կազմում միջանի պատասխան-

ներ: Մասնատրապէս, հարցուածների 23,8%ը պարզապէս գտնում է որ դա միակ ճիշտ քայլն է¹¹, յաջորդիւ դրում է երեխաների ապագայի հարցը, ապա այլ երկրում հարազատների բնակութեան գործօնն է եւ գործազրկութեան խնդիրը:

Գծանկար 8. Արտագաղթի պատճառներն՝ ըստ համայնքի ներկայացուցիչների (% հարցուածներից)



Նայած՝ թէ ինչն է անհանգստութիւն առաջացնում անծի մօտ, կարող ենք ենթադրել, թէ որ ուրտի հարցեր են կարեւորում նրա համար: Բացի այդ, անհանգստութիւնները կարող են նաեւ տուեալ միջավայրից անծի բարարաւածութեան ցուցիչ հանդիսանալ¹²: Անհանգստութիւնների շարքում կարեւորում են դրամական, ապա անձնային եւ համայնք-երկիր յարաբերութիւնները:

Սկիւղին բնորոշ առանձնայատկութիւններից է ընդհանուր ծագում-նաբանութեան եւ հայրենիքի հետ կապի ընկալումը: Տարբեր հայկական համայնքներ՝ ե՛ւ աշխարհագրական դիրքի, ե՛ւ Հայաստանին մօտ լինելու եւ այլ հանգամանքների բերմամբ ունեն հայրենիքի ընկալման տարբեր գաղափար: Յատկանշական է, որ Թբիլիսիի հայերի շրջանում հայրենիքը հանդէս է գալիս հենց ծննդավայրը, ապա Հայաստանը, եւ միա տեղում է ծնողների կամ նախապապերի երկիրը:


Աղիւսակ 4. Թբիլիսիի հայերի պատկերացումները հայրենիքի մասին

Պատկերացումները Հայրենիքի մասին	% հարցուածներից
Հայաստան	25,5
Ծնողների/նախահայրերի ծննդավայր	16,4
Որտեղ ապրում է	13,6
Որտեղ անվտանգ ու արժանապատիւ կեանք կայ	0,9
Ծննդավայր	2,0
Դժուարացել է պատասխանել	2,7

Հայաստանի հետ անմիջական կապը մեծապես նպաստում է այն՝ որպես հայրենիքի ընկալմանը: Այս պարագայում կարելի է տեսնել կա՞րգոք կապ Հայաստան մեկնելու յաճախակիության եւ հայրենիքի ընկալման միջեւ:

Նախ ներկայացնենք Հայաստան մեկնելու յաճախակիության պատկերը հարցուածների շրջանում:

Գծանկար 9. Հայաստան մեկնելու յաճախակիութիւնը (% հարցուածներից)



Հարցուածների կեսից անելին ՀՀ է մեկնում տարուայ մէջ 2-3 անգամ, կամ ամէն տարի: Աւելի քիչ թիւ են կազմում 2-3 տարին մէկ անգամ մեկնողները, իսկ ողջ կեանքի ընթացքում մէկ անգամ կամ ընդհանրապէս չմեկնածների թիւը առանել պակաս է: Սա պայմանատրուած է ՀՀին տաճականութիւնը մօտ լինելով:

Աղիասկ 5. ՀՀ մեկնելու նպատակը (% հարցուածներից)

ՀՀ մեկնելու նպատակը	% հարցուածներից
Այցելութիւն ազգականներին, ընտանեկան տօներ, իրադարձութիւնների մասնակցութիւն	61,4
Զբօսաշրջութիւն, ծանօթացում հայրենիքի	12,9
Ուխտագնացութիւն, հոգետր կապ	10,0
Աշխատանք, գործնական այց	8,6
Ուսում	4,3
Տուն ունի Հայաստանում	1,4
Փաստատղթեր	1,4

Հարցուածների մեծամասնութիւնը Հայաստանում է եղել ազգականներին այցելութեան կամ ընտանեկան իրադարձութիւններին մասնակցելու նպատակով: Վերջինս էական եշանակութիւն ունի յաճախակի կապերի պահպանման մէջ: Ըստ այդմ, Հայաստանի մասին պատկերացումները անելի իրատեսական են, եւ ոչ իդէալիստական: Հիմնական մասը հայաստանեան միջավայրին լաւ ծանօթ է:

ԱՄՓՈՓՈՒՄ

Այսպիսով, Թբիլիսիի հայ համայնքն ունի առանձնայատուկ կազմակերպական կառուցուածք: Համայնքում կազմակերպութիւններն ու կառույցները չեն գտնուում միասնական տեղեկատուական եւ գաղափարական տարածքում, ինչը խոչընդոտում է ինքնակառավարման գործընթացին: Վերջին շրջանում համայնքի ինքնակազմակերպման եւ համախմբան հարցում յարաբերականօրէն աշխուժ գործունէութիւն է ծաալում եկեղեցին:

Ներկայումս Թբիլիսիի հայ համայնքում այժմէական է ինքնութեան հարցը. իրականացուող միջոցառումների շարքում գերակշռում են մշակութային բնոյթի իրադարձութիւնները, որոնք նպատակ ունեն աշխուժ պահելու հայերի ինքնութեան խնդիրը: Արդի մարտահրաւէրներից են համայնքում կրթութեան որակի եւ դպրոցների նուազման հետ կապուած խնդիրները:

ԾԱՆՕԹԱԳՐՈՒԹԻՒՆՆԵՐ

¹ Էթնօրէնկերաբանական հետազօտութիւն իրականացուել է քանակական եւ որակական մեթոդներով՝ «Սեփական եւ Այլազգի Միջավայրում Հայերի Համեմատական Հետազօտութեան Հիմնական Ուղղութիւնները. Ուսումնասիրութեան Խնդիրներն Ու Հեռանկարները», նպատակային ծրագրի շրջանակներում (2011-2020): Ծրագիրն իրականացուել է ՀՀ ԳԱԱ Հնագիտութեան եւ Ազգագրութեան Ինստիտուտի Սփիտքի Հետազօտութիւնների Բաժնի կողմից (իմմտ.). Ռ. Կարապետեան, Սեփական եւ Այլազգի Միջավայրում Հայերի Համեմատական Հետազօտութեան Հիմնական Ուղղութիւնները. Ուսումնասիրութեան Խնդիրներն Ու Հեռանկարները, Հայրենիք-Սփիտք Առնչութիւնները Հայկական Մամուլում. Հալաստանի եւ Սփիտքի Թերթերի Կոնֆերնս Անալիզ, Երեւան, ՀՀ ԳԱԱ «Գիտութիւն» Հրատ., 2012, էջ 19):

² Ձայնագրութիւն N°1: 2017ին Թբիլիսում իրականացուած էթնօրէնկերաբանական հետազօտութեան շրջանակներում իրականացուել է 25 փորձագիտական հարցազրոյց (ՀՀ ԳԱԱ Հնագիտութեան եւ Ազգագրութեան Ինստիտուտի Սփիտքի Հետազօտութիւնների Բաժնի արխիւ):

³ Ձայնագրութիւն N°7:

⁴ Թամարա Վարդանեան, Թիֆլիսահայութիւն. Ժամանակի Մարտահրաւէրներն Ու Համայնքի Հեռանկարները, Նորավանք N 20, Երեւան, 2007, էջ 70-85. նաեւ՝ http://www.noravank.am/upload/pdf/292_am.pdf

⁵ Ձայնագրութիւն N°2:

⁶ Ձայնագրութիւն N°7:

⁷ Պետկանօրէն նպաստատրել:

⁸ Վարդանեան, էջ 76:

⁹ «Դրական» եւ «բացասական» բաժանումը պայմանաւորուած է հարցուածի տուած գնահատականներով:

¹⁰ Դժուարանում է պատասխանել:

-
- ¹¹ Տուեալ դէպքում հարցոտողների կողմից ստացուած «Դա միակ ճիշտ քայլն է» պատասխանի տարբերակում որպէս հայրենիք ընկալւում է Հայաստանը:
- ¹² Տրուած պատասխանները խմբատրուել են տարբեր մակարդակների միջանի խմբի մէջ:

THE CURRENT STATUS OF THE ARMENIAN COMMUNITY OF TBILISSI

(Summary)

LUSINE DANADJIAN, SONA NERSISSIAN

lusine.tanajyan@gmail.com

sona.nersisyan2006@gmail.com

The Armenian community of Tbilissi is one of the oldest Armenian communities in the Diaspora. Due to political changes in the country and shifts in Armenian-Georgian relations, the community has undergone different ups and downs throughout history.

Basing their conclusions on material gathered from field work and data collected from recently conducted surveys, the authors shed light on certain aspects of the current socio-economic and cultural conditions of the community, the shifts in identity of the community and its migratory trends.

The paper focuses on demographic feature of the families, intra-communal visits and intra-communal coherence, visits to Armenia, the local Armenian school and community outlet network, the value system of the Tbilissi Armenians, and their mobility, as well as their identity transformation.

Special attention has been paid to the Armenian activists of the community and the role the local Armenian Church plays in maintaining its flock and Armenian identity.